

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

واقفك حياتنده اجارتين شرطى اذن و اراده يه متوقف ازلدينى حقنده [*]

مال استفتايه نظراً خصوص مذکور اجاره واحده لى بر وقفك اجارتينه تحويل
قييلندن اولماغله متولى موسى اليه شرط واقف موجبجه اذن قاضى و اراده سنیه
صادر اولقسزین موقوفات مذکوره يي اجارتين ايله آخره ايجاره قادر اولور .



قوانین و نظامات

(صوك بالقان حربندن طولاني هجرت ايدن متمولان مهاجرينه حكومتجه اولنه حق)
(معاونت حقنده قانون موقت)

[تقويم وقابله نشرى تاريخى : ۴ ذى الحجه ۱۳۳۴ و ۱۹ ايلول ۱۳۳۲ نومروسى: ۲۶۶۴]

ماده : ۱ صوك بالقان حربندن طولاني ممالك عثمانيه يه هجرت ايدن مهاجريندن
اولوب ده مملكتلرنده كى اموال غير منقوله لرینك اللى بيك غروش قيمتندن فضله قسمندن
هيچ بر وجهله استفاده ايدمه يانلره غير منقول اموال متروكه ايله اراضى خاليه اميره دن
مجموع قيمتى آلتى يوز بيك غروشى تجاوز ايتماك اوزره مجاناً اموال غير منقوله اعطاسى
صورتيله حكومتجه معاونت اولنه بيلور . اموال مذكوره دن هر مهاجره برتعهد سندی

[*] بو بابده اوقاف هايون نظارتى وكالت جليله سندن وارد اولان ۹ محرم ۱۳۳۵ تاريخلى
تذکره صورتى :

واقف حال حياتنده سلك ملكندن اخراج و بيك ايكوز طقسان بش تاريخنده وقف وتسجيل
ابتدريدكى مسققات و مستغلاتى حياتده بولندجه ديله ديكي كى متصرف اولسنى و ارتحال دار بقا
ايله ييكنده بايد متولى اجارتين معتادتين ايله آخره ايجاريني شرط ايدرك بعد الوفاة متولى اولان
ذات اذن حاكم و اراده سنیه استحصاله حاجت كورمكسزین شرط واقفه استناداً خود بخود
مسققات و مستغلات معروضه يي اجارتينه بالتحويل آخره ايجار ايتمش بولنسه متولينك اشبو معامله سنك
شرعاً مقبول و معتبر اولوب اولديغلك حضور عالى جناب مشيختپناهيلرندن استفتاسنه مبادرت
قلندى اولبابده

مقابلنده ویریه جک مقدار داخلیه نظارتجه تعیین اولنه حق و تاریخ اعطاسندن اعتباراً اون سنه ظرفده مهاجرین طرفدن صاتیله میه جنی کبی ترهین ده ایدیه میه جکدر .

ماده : ۲ برنجی ماده موجبنجه ویریه جک اموال دن طولانی قوانین و نظامات مخصوصه سنه توفیقاً ایفاسی لازم کن تکالیف امیریه ایله زراعت بانکه سنه مرهون اراضی ایچون اداسی ایجاب ایدن تقاسیط اموال مذکوره دن استفاده ایده جک اولان مهاجرین طرفدن تسویه اولنه جکدر .

ماده : ۳ اشبو قانونک تاریخ نشرندن مقدم غیر منقول اموال متروکه دن یا خود اراضی خالیه امیریه دن اموال و اراضی ویرمک صورتیه مظهر معاونت اولان مهاجرین دخی بو قانونک احکامنه تابع طوتیه جکدر .

ماده : ۴ اشبو قانون تاریخ نشرندن معتبردر .

ماده : ۵ بو قانونک اجراسنه داخلیه و مالیه ناظرلری مأموردر .
مجلس عمومینک کشادنده قانونیتی تکلیف اولنق اوزره اشبولایحه قانونیه نک موقتاً موقع مرعیه وضعی و قوانین دولته علاوه سنی اراده ایلدم .

۲۳ ذی القعدة ۱۳۳۴ ۸ ایلول ۱۳۳۲

محمد رشاد

صدر اعظم
محمد سعید

داخلیه ناظری و مالیه ناظر وکیل
طلعت

*
* *

(۲۴ کانون ثانی ۱۳۳۱ تاریخلی قانون موقت ایله ۱۰ مارت ۱۳۳۲ تاریخلی قانونک)
(رومانیایه تبعه سی حقنده دخی جریان احکامی حقنده قانون موقت)

[تقویم وقایع ایله نشری تاریخی : ۱ ذی الحجه ۱۳۳۴ و ۱۶ ایلول ۱۳۳۲ - نومروسی ۲۶۶۱]

ماده : ۱ دول مخصوصه و متفقاری تبعه سنک یدنده بولنان استقراضات و خزینه تحویلاتی فائض و آمورتسمانی حقنده کی ۲۴ کانون ثانی ۱۳۳۱ تاریخلی قانون موقت ایله تبعه عثمانیه نک دول مرقومه و متفقاری تبعه سنه قارشی اولان دیون و تعهداته متداثر

۱۰ مارت ۱۳۳۲ تاریخی قانون احکامی رومانیای تابعیتی حائز اولان اشخاص حقنده دخی جاریدر .

ماده : ۲ اشبو قانون ۱۸ اغستوس ۱۳۳۲ تاریخندن اعتباراً مرعیدر .

ماده : ۳ اشبو قانونک اجراسنه عدلیه و مالیه ناظرلری مأموردر .
مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتاً مرعیتنی وقوانین دولته علاوه سنی اراده ایلدم .

۳۰ ذی القعدة ۱۳۳۴ ۱۵ ایلول ۱۳۳۲

محمد رشاد

صدر اعظم
محمد سعید

عدلیه ناظر وکیل
احمد نسیمی

مالیه ناظر وکیل
طلعت

★
★ ★

(آخر محالره نقل ایدیلن اشخاصک اموال و دیون و مطلوبات متروک سنه متداثر)
(۱۷ ذی القعدة ۱۳۳۳ تاریخی قانون موقتک ۲ نجی ماده سنک ۱ نجی فقره سنه مذیل)
(عباره حقنده قانون موقت)

[تقویم وقایع ایله نشری تاریخی : ۱۶ ذی الحجه ۱۳۳۴ و ۱ تشرین اول ۱۳۳۲ - نو مرسوم : ۲۶۷۲]

ماده : ۱۳۱ ایلول ۱۳۳۱ تاریخی تصفیه قانون موقتک ایکنجی ماده سنک برنجی فقره سنه عبارۀ آتیۀ علاوه ایدلمشدر :

« شوقدرکه محال آخره نقل اولنان اشخاص مرقومه یه محل مرتبلرنده بیتوت و اقامتلیله معیشتلرنی تأمین اینده بیله جک درجده املاک و اراضی مملوکه و امبریهدن مجاناً مسکن و اراضی ویرملک صورتیله ده معاونت اولنه بیلیر . »

ماده : ۲ اشبو قانون تاریخ نشرندن معتبردر .

ماده : ۳ اشبو قانونک اجراسنه داخلیه و عدلیه و مالیه و اوقاف هایون ناظرلری مأموردر .

مجلس عمومینك اجتماعنده قانونیتی تكلیف اولنق اوزره اشبو لایحه قانونیه نك موقتاً
صرعیتنی وقوانین دولته علاوه سنی اراده ایلدم .

٧ ذی الحجه ١٣٣٤ ٢٢ ایلول ١٣٣٢

محمد رشاد

عدلیه ناظر وکیل احمد نسیمی
اوقاف هایون ناظر وکیل ابراهیم
داخلیه ناظر و مالیه ناظر وکیل طلعت
صدر اعظم محمد سعید

★
★ ★

(حجاز تیمور یولی مدیریت عمومیه سنك اوقاف نظارتندن فك ارتباطیه حربیه نظارتنه)
(الحاقی حقنده قانون موقت)

[تقویم وقایع ایله نشری تاریخی : ١٥ ذی الحجه ١٣٣٤ و ٣٠ ایلول ١٣٣٢ - نوسهوسی ٢٦٧١]

ماده : ١ حجاز تیمور یولی مدیریت عمومیه سنك حربك دوامی مدتیجه اوقاف
نظارتندن فك ارتباطیه قوانین ونظامات عسکریه یه تابع اولق و کافی السابق ملحق
بودجه ایله اداره ایدلك اوزره حربیه نظارتنه ربط والحاقی ایچون ماذونیت ویرلمشدر .

ماده : ٢ بوقانون تاریخ نشرندن اعتباراً صرعی الاحکامدر .

ماده : ٣ بوقانونك اجراسنه حربیه واوقاف هایون ناظرلری مأموردر .
مجلس عمومینك اجتماعنده قانونیتی تكلیف اولنق اوزره اشبو لایحه قانونیه نك موقتاً
صرعیتنی وقوانین دولته علاوه سنی اراده ایلدم .

٩ ذی الحجه ١٣٣٤ ٢٤ ایلول ١٣٣٢

محمد رشاد

اوقاف هایون ناظر وکیل ابراهیم
حربیه ناظر وکیل انور
صدر اعظم محمد سعید

★
★ ★

مکلفیت زراعیه قانون موقتی

[تقویم وقایعه نشری تاریخی: ۲۶ ذی القعدة ۱۳۳۴ و ۱۱ ایلول ۱۳۳۲ - نوسروسی: ۲۶۵۶]

ماده: ۱ چفتجیلکی صنعت معتاده اتخاذا یتمش و خدمات عسکریه خارجنده قالمش اولان عثمانلیلرک ذکور و اناندن اولان هر نفوس زراعت نظارتجه تعیین اولنه جق مقدارده زرعیاتده بولنق و سنه آتیه ایچون نطس یایمق اوزره طرف حکومتدن مکلف طوتیه بیله جکدره.

ماده: ۲ چفتجیلکی صنعت معتاده اتخاذا یتمه مش و خدمات عسکریه خارجنده قالمش اولانلری بولندقلری محله اک زیاده اکیلان محصولاتدن زرعیاتده بولنق اوزره مکلفیت زراعیه یه تابع طوتمغه حکومت مأذوند.

اشبو مکلفیت مدافعه ملیه ، دونما ، هلال احمرکی منافع عمومیہ مؤسسائی و هر نوع امتیازلی و امتیازسز جمعیات و شرکتلر حقنده دخی جاریدر

ماده: ۳ اشبو قانونک تطبیقاتی بر نظامنامه ایله تعیین اولنه جقدر. مکلفیت زراعیه نک تأمین ایچون کوی وقصبه چفتجیلرینی چفت حیواناتیله برابر عن جماعه چالیشمغه مجبور ایتکده زراعت نظارتی صلاحیتداردر .

ماده: ۴ اشبو قانون ایله آنک تطبیقاتی مبین نظامنامه احکامنه مغایر حرکته بولنانلر صالح محکمه لری طرفدن یکرمی غروشدن بش یوز غروشه قدر جزای نقدی ایله و تکرری حالنده برهفته دن اوچ آیه قدر حبس ایله محکوم ایدیلورلر .

اشبو قانون ایله نظامنامه سنه مغایر افعال وقوعنده زرعیات مأمورلرینک طوته جقلری ضبط ورقه لری عکس مندرجاتی ثابت اولنجیه قدر معمول به اولان و ثائق قانونیه دندر .

ماده: ۵ اشبو قانونک تأمین اجرایی ایچون زراعت و تجارت نظارتی بودجه سنه فوق العاده اوله رق یوزالای بیک لیرا علاوه اولنمشدر .

ماده: ۶ اشبو قانون زمان نشرندن معتبردر .

ماده: ۷ اشبو قانونک اجراسنه داخلیه ، مالیه ، عدلیه و تجارت و زراعت ناظرلری مأموردر .

اشبو لايحه قانونيه نك مجلس عمومينك انعقادنده قانونيتي تكليف ايدلك اوزره موقتاً
موقع مرعيتيه وضعنى وقوانين دولته علاوه سنى اراده ايلدم .
٢٠ ذى القعدة ١٣٣٤ هـ ايلول ١٩١٥

محمد رشاد

داخله ناظرى وماليه ناظر وكيلى
طلعت
صدر اعظم وخارجيه ناظرى وكيلى
محمد سعيد
تجارت وزراعت ناظرى وعدليه ناظر وكيلى
احمد نسيمى

★
★

مكلفيت زراعيه قانون موقتتك تطبيقاتى حقنده نظامنامه

[تقويم وقايعله نشرى تاريخى: ٢٧ ذى القعدة ١٣٣٤ و ١٢ ايلول ١٣٣٢ - نوصوسى: ٢٦٥٧]

تشکيلوت

ماده : ١ ولايات ايله الويه مستقله مركزلرنده والى ويا متصرفك رياستى آلتنده اولمق ودفتردار ويا محاسبه جى ايله اك بيوك زراعت ، اورمان وبيطر مدير ، مأمور ويا مفتش لرندن وزاندارمه قوماندانندن ومعتبران زراعتن آله جق ايكي ذاتدن متشكل بولنمق اوزره برر زراعت هيتى تشكيل قلنه جقدر .

ماده : ٢ ولايات ولوا مركزلى قضا اعتبار اولنه رق هر قضا اونه ايكيدن افزون اولماق اوزره قضانك اك بيوك مأمور ملكيسى طرفندن زراعت مأمورلىرى تعيين اولنه جقدر .

مكلفيت زراعيه نك تأمينى ايچون قرا ومحلات اختيار هيتلريله مختارلىرى واماملرى زراعت مأمورلرينك امرينه تابعدرلر .

ماده : ٣ مكلفيت زراعيه عائد خصوصات ايله توغل ايتك اوزره زراعت مديريت عموميه سنه ايجاب ايتديكى قدر مأمورين تاليه تعيين اولنه بيله جك ولزومى اوله جق مفتش ومفتش معاونلىرى مكلفيت زراعيه تفتيشاتى ايچون توظيف اولنه جقدر .

ماده : ٤ مکلفیت زراعیه عائد خصوصاً تده وحدت و استقامت معاملیهی تأمین ایتک وشعبات حکومتک هر قسمته کی مساعی بی آهنگدار قیلمق اوزره استانبولده زراعت ناظرینک ریاستی آلتنده حریه ، داخلیه ومالیه مستشارلریله زراعت مدیر عمومیسندن وخارجدن زراعت ناظرینک تنسییله آله جق ایکی ذاتدن مرکب برمکلفیت زراعیه هیئتئ تشکیل اولنه جقدر .

وظائف

ماده : ٥ قرا ومحلات هیأت اختیاریه لری وکوی اماملری اشبو نظامنامه نک کندیلرینه تاریخ تبلیغندن اعتباراً برهفته ظرفنده کندی قریه ویا محله لری داخلنده بولسان چفت سورمهک الویرشلی کافه حیوانات ایله چفت سورمه بیلجک اولان ذکور واناندن کافه افرادی وقریه ومحله سکانه عائد نطس وآکزلی بردفتره یازمغه وزرعیات مأمورلرینک کوی ومحله یه ورودنده تسلیم ایتکه مجبوردرلر .

ماده : ٦ هر قریه نک زرعیات مأموری ماده سابقه ده بیان اولنان دفتری آیر آلماز قریه ده اکیلکه الویرشلی ترلاری سمت وجهت اعتباریه تصنیف ایدرک اولان نطس لردن باشلامق اوزره هر سمتک زرع صره سنی قرعه ایله هیئت اختیاریه حضورنده تعیین ایدرک وقریه نک چفت حیواناتیله چفتجیلرینک عدینه کوره هر کون اکیلسمی مجبوری اولان دونم مقدارینی وهانکی کون زرعه باشلانه جغنی هیئت اختیاریه ییلدیره جکدر شوقدرکه زرعیات مأموری معاملات مذکوریهی اکمال ایدنجهیه قدر چفتلر وکویلیلر معطل قالمیوب سنین سابقه ده اولدینی کی زراعتلرینه دوام ایدر جکدر هر قریه نک چفتجیلری چفت حیواناتیله برابر هر کون ایچون تعیین اولنان سمتده کی ترلاری عن جماعه زرع ایدر جکدر مختارلر هر صباح بو خصوصی تأمین ایدر جکدر وزرعیات مأمورینه ویرمک اوزره بر مضبطه یاپه جقدر .

قصباتی عن جماعه زراعت نقطه نظرندن بر قریه کی عد ایتک ویا شعباته تقسیم ایتک قضا مجلس اداره سنک قراریله اجرا اولنه جقدر .

ترلار عن جماعه زرع اولنقله برابر هر ترلایه صاچیه جق تخمک تدارکی ترلا صاحبنه عائددر .
ماده : ٧ زراعت مأمورلری اداره لرنده کی قرایی و ترلاری دائمی صورته دور ایدرک معین زمانلرده معین زرعیاتک اجرا ایدیلوب ایدلدیکنی تعقیب ایدرک و بو

خصوصده بطائى و تراخيسى كوريلن چفتجىلر ايله هيئت اختياريه اعضاسنك فعللى حقنده بر ضبطنامه تنظيم ايدرك ناحيه مديرى واسطه سيله قضايه كوندره جكدرد .
ناحيه مديرلى اشبو ضبطلى نهايت قرق سكر ساعت ظرفنده قضايه ارسال ايدده جكلردرد .

قضالرده همان مجلس اداره اجتماعه دعوت اولنه رق اداره ولايات قانوننك يتمس دردنجى ماده سى موجبجه تراخى و بطائنده بولسانلر اوامر حكومه عدم اطاعته بولنش اولانلر كي محكوم ايديله جكلردرد .

اهاليه ن عن جماعه زراعتده بولنق استميانلر وحيواناتى كتم واخفا ايدنلر مكلفيت زراعيه قانوننك دردنجى ماده سى موجبجه مجازات ايديله جكلردرد .

ماده : ٨ ناحيه مديرلى ناحيه لى داخلنده كي قرانى لا اقل آيدده اوچ دفعه دور ايدرك ترتيب ايديلن ليسته نك صحتنى و مكلفيت زراعيه نك تايمين ايديلوب ايدلمديكنى و زراعات مأمورلرينك لايقيه چاليشوب چاليشمدقلىنى بر راپور ايله قضا قائممقامه سيلديره جكلردرد .

ماده : ٩ زراعات مأمورلى مكلفيت زراعيه يي جبراً ياپديرمغه صلاحيتداردرلر و بوخصوصك تايمين ايچون ناحيه مديرلرندن ژاندارمه طلب ايدده جكلر و ناحيه مديرلى همان مقدار كافى ژاندارمه ويره جكدرد .

ماده : ١٠ قضا قائممقاملريله قضا زراعت معلملى مكلفيت زراعيه نك حسن تايميندن برنجى درجه ده و طوغريدن طوغرى يه مسؤلدرلر . بو خصوصده تراخيسى كوريلن قائممقام و معلملر حقنده همان مكلفيت زراعيه قانوننك دردنجى ماده سى موجبجه حركت اولنه جكدرد .

ماده : ١١ قضا قائممقاملريله زراعت معلملى موسم زراعات دوام ايتدجكه لا اقل آيدده بر قضا داخلنى دور ايدرك ناحيه مديرلريله زراعات مأمورلرينك مكلفيت زراعيه يي تفتيش و تعقيب ايدوب ايتدكلىنى تدقيق و تحقيق ايدده جكلر و زراعات مأمورلرندن تراخيسى كوريلنلر همان تبديل ايله جكلردرد .

ماده : ١٢ قضا قائممقاملريله زراعت معلملى مشتركاً هر آى كرك زراعات

مأمورلری ایله ناحیه مدیرلرینک راپورلرینی کرک دورلری صرہ سنده کی مشهوداتلرینه مستنداً لوا متصرفلریله لوا زراعت مأمورلرینه راپور کوندره جکلردر .

هرلوا متصرفیله زراعت مأموری لوا داخلی زرعیات موسمنک دوامی مدتیجه لااقل ایکی آیده بردفعه دور آیده جکلر و کندیلرینه کوندریلن راپورلرک صحتی تفتیش و مکلفیت زراعیه یی ای برصورتده تأمین ایچون لازم کلن تداییری اتخاذ آیده جکلر و نتیجه مشهوداتلرینی اتخاذ ایتدکلری تداییر ایله عمومی اوله رق اتخاذی ایجاب ایدن تداییری ولایت ویامستقل لوا زرعیات هیئتلرینه بیلدیره جکلردر .

ماده : ۱۳ ولایات ویا مستقل لوالر مرکز لرنده کی زرعیات هیئتلری اعضاسی مناوبه ولایت ویا مستقل لوا داخلی مناطقه تقسیم ایدرک زرعیات موسمنک دوامی مدتیجه لااقل ایکی دفعه دور آیده جکلردر .

ماده : ۱۴ زرعیات مأمورلری دائره لری داخلنده کی قراده اجرا ایدیلن زرعیات مقدارینی هر هفته زراعت معلملرینه و بولنمان قضاالده قائممقاملره بیلدیره جکلر ، قائممقاملر و معلملرده هر ایکی هفته ده بر کره نتایج زراعیه یی لوا زراعت مأمورینه کوندره جکلردر . لوا زراعت مأمورلری لوا داخلنده کی زرعیاتک هر یکرمی کونلک مقداری ایچون قضا اعتباریله ایکی دفتر ترتیب ایدوب برینی ولایت زرعیات هیئته دیکرینی ده طوغریدن طوغری یه زراعت نظارتنه کوندره جکلردر .

ولایت و مستقل لوا مرکز لرندن زرعیات مأموری اولمیانلرنده مربوط قضاالرک فقره سابقه ده مندرج زرعیات دفتری زراعت معلملری طرفدن ترتیب وارسال اولنور .
ماده : ۱۵ ولایت و مستقل لوا زرعیات هیئتلری نامنه والیرله متصرفلر مکلفیت زراعیه اصولنک ویردیکی فوائدی ، نتایج زراعیه یی ، اتخاذی لازم کلن تداییری هر آی منتظم راپورلرله زراعت نظارتنه بیلدیره جکلردر .

ماده : ۱۶ مرکز مفتشلریله مفتش معاونلری اشبو نظامنامه نک حسن تطبیق ایدیلوب ایدلدیکنی و مکلفیت زراعیه نک تأمین اولنوب اولنمدیغنی زراعت نظارتنه پایله حق تعلیمات دائره سنده تفتیش آیده جکلردر .

ماده : ۱۷ ولایت و مستقل لوا زرعیات هیئتلری اعضاسنه هراجماع ایچون یارم لیرایی تجاوز ایتماک اوزره زراعت نظارتندن تعین اولنه حق بر اجرت حضور ویریه جکلر

و مکلفیت زراعیہ نک تأمینندہ حسن خدمت وغیرتی کوریلان مأمورین ملکیہ و ژاندارمه ضابط وافرادینه و هیئت اختیاریه اعضاسیله کوی اماملرینه مکافات تقدیه اعطا اولنه . بیلہ جکدر .

زرعیات مأمورلرینه آلتیوز غروشی تجاوز ایتمک اوزره شهری اجرت تعیین و اعطا اولنه جکدر .

ماده : ۱۸ ولایات و یامستقل لوا داخلندہ ممکن اولدینی قدر فضلہ زرعیاتی تأمین و اعاشہ عمومیہ نقطہ نظرندن سنہ آتیہ احتیاجنی استحصال ایتمک اوزره بعض نوع محصولات زراعتنک تحدیدینی و بر قسم محصولاتک تعاملدن فضلہ زرعی قرار آلتنه آلتق زرعیات هیئتلرینک صلاحیتلری داخلندہ در . آنجق بو نوع مقررات زراعت نظارتجه ترتیب اولنه جق تعلیمات دائره سنده اتخاذ اولنق لازم کله جکی کبی قرارک اتخاذینی متعاقب زراعت نظارتنه معلومات و یریلہ جکدر .

ماده : ۱۹ مکلفیت زراعیہ اصولی اوزره زرع اولنه میه جق اولان ترلارده طوغریدن طوغری به حکومت و یا بلدیہ نامنه و یا خود مدافعه ملیہ و دونما جمعیتلری کبی منافع عمومیہ مؤسساتی طرفندن زرع اولنق اوزره ایجاب ایدن تدابیر زرعیات هیئتلرنجه اتخاذ اولنه جکدر .

ماده : ۲۰ اشبو نظامنامه تاریخ نشرندن معتبردر .

ماده : ۲۱ اشبو نظامنامه نک اجراسنه زراعت ناظری مأموردور .

اشبو نظامنامه نک موقع مرعیتہ وضعی و نظامات دولته علاوہ سنی اراده ایلدم .

۲۰ ذی القعدة ۱۳۳۴ ۵ ايلول ۱۳۳۲

محمد رشاد

حربیہ ناظری و بحریہ ناظری و کیلی شیخ الاسلام صدر اعظم و خارجیہ ناظری و کیلی

موسی کاظم محمد سعید داخلیہ ناظری و مالیہ ناظر و کیلی

شورای دولت رئیس و اوقاف هایون ناظر و کیلی طلعت

ابراهیم معارف ناظری و پوستہ و تلغراف و تلهفون ناظر و کیلی نافعہ ناظری

احمد شکری عباس

تجارت و زراعت ناظری و عدلیہ ناظری و کیلی

احمد نسیمی

(مكلفيت زراعيه قانوننك تطبيقاته متداثر ٢٠ ذى القعدة ١٣٣٤ تاريخلى نظامنامه يه)
(مذيل مواد نظاميه)

[تقويم وقايع ايله نشرى تاريخى: ٢٤ ذى الحجه ١٣٣٤ و ٩ تشرين اول ١٣٣٢ - نومروسى: ٢٦٨٠]

ماده : ١ كوى وقصبه چفتجیلرندن ترلاسى و چفت آلات وادواتى اولیوبده اجیر صورتيله چالشمقده بولنانلره يوميه ويريله جکدر . اشبو يوميه نك مقدارى زرعيات مامورلى طرفندن هيات اختياريه ايله استشاره اولنه رق محلنده جارى اجرتة كوره تعيين وکندى نامنه زراعت ياپانلرك ترلارنده چالشمش ايسه اونلرك واورتاقچيلق صورتيله زرع اولنان ترلارده ايسه اورتاقچيلرك ذمتنه اولمق اوزره مختارلر طرفندن بردفتره قيد اولنه جقدر . ذمتلرينه يوميه ترتب ايدنلر نهايت اون بش کون طرفنده بورجلرينى مختارلى حضورنده يوميه جيلره اعطا ايدم جکدر . بلا تأديه اون بش کون کچيرلديكى تقديرده مأمورينك مراجعتى اوزرينه نهايت بر آى طرفنده تحصيلات شعبه سى تحصيلدارى طرفندن جبايت اولنه رق زرعيات مأمورى واسطه سيله يوميه جيلره ويريله جکدر .

ماده : ٢ اشبو نظامنامه نك زرعيات مأمورلى طرفندن تطبيقه باشلانلدينى تاريخه قدر ياپيلان اورتاقچيلق مقاوله لرى كله جك سنه خرمتك نهايته قدر ترلا و تخم صاحبلى طرفندن فسخ اولنه جقدر .

ماده : ٣ مكلفيت زراعيه نظامنامه سنده كى وظائفى ايفا ايچون دور و تفتيشده بولسان مأمورين ملكيه وسائر اشخاص تجارت وزراعت نظارتى مأمورين خرج راهى نظامنامه سنه توفيقاً خرج راه ويوميه اله جقدر .

ماده : ٤ اشبو نظامنامه تاريخ نشرندن اعتباراً مرعيدر .

ماده : ٥ اشبو نظامنامه نك اجراسنه تجارت وزراعت ناظرلى مأموردر .

اشبو لايحه نظاميه نك مرعيتنى و نظامات دولته علاوه سنى اراده ايلدم .

٢٩ ذى الحجه ١٣٣٤ ٤ تشرين اول ١٣٣٢

محمد رشاد

حريه ناظرى و بحريه ناظر و كلى	شيخ الاسلام	صدراعظم و خارجيه ناظر و كلى
انور	موسى كاظم	محمد سعيد
نافعه ناظرى	شوراي دولت رئيسى و اوقاف هايون ناظر و كلى	داخليه ناظرى و ماليه ناظر و كلى
عباس	ابراهيم	طلعت
تجارت وزراعت ناظرى و عدليه ناظر و كلى	معارف ناظرى و پوسته و تلغراف و تلفون ناظر و كلى	احمد شكرى
احمد نسيمى		

(مكلفيت زراعيه قانوننك تطبيقاته متدائر ۲۰ ذى القعدة ۱۳۳۴ تاريخلى نظامنامه نك)
(۲ نجى مادسنى معدل مواد نظاميه)

[تقويم وقايع ايله نشرى تاريخى : ۲۴ ذى الحجه ۱۳۳۴ و ۹ تشرين اول ۱۳۳۲ - نومروسى ۲۶۸۰]

ماده : ۱ . مكلفيت زراعيه قانوننك تطبيقاتى حقتده كى ۲۰ ذى القعدة ۱۳۳۴ و ۵ ايلول ۱۳۳۳ تاريخلى نظامنامه نك ايكنجى مادهسى بروجہ آتى تعديل اولمشدر :

«ولايت ولوامر كنزلى قضا اعتبار اولنه برق هر قضاده اك بيوك مأمور ملكى طرفدن زرعيات مأمورى تعيين اولنه جقدر . زرعيات مأمورلرينك دائره لرى قريه لرك وسعتلرينه ويكد يكريله اولان مناسبت ومسافه لرينه كوره التیدن دون واون ايكي دن افزون قريه يي احتوا ايتماك اوزره تحديد اولنور . متعدد هيئت اختياريه سى بولنان قصبه لر اختيار هيئتلى عددنجه قريه عد اولنه بيلور . مكلفيت زراعيه نك تأمينى ايجون قري ومحلات اختيار هيئتلى ايله مختارلى واماملرى زرعيات مأمورلرينك امر و اراده سنه تابعدرلر .»

ماده : ۲ . اشبو نظامنامه تاريخ نشردن اعتباراً مرعيدر .

ماده : ۳ . اشبو نظامنامه نك اجراسنه تجارت وزراعت ناظرلى مأموردور .

اشبو لايحه نظاميه نك موقع مرعيته وضعى ونظامات دولته علاوه سنى اراده ايلدم .

۱۹ ذى الحجه ۱۳۳۴ ۴ تشرين اول ۱۳۳۲

محمد رشيد

حريه ناظرى و بحريه ناظر و كلى	شيخ الاسلام	صدر اعظم و خارجيه ناظر و كلى
انور	موسى كاظم	محمد سعيد
نافعه ناظرى	شوراي دولت رئيسى و اوقاف هايون ناظر و كلى	داخليه ناظرى و ماليه ناظر و كلى
عباس	ابراهيم	طلعت
تجارت وزراعت ناظرى و عدليه ناظر و كلى	معارف ناظرى و پوسته و تليفون ناظر و كلى	احمد شكرى
احمد نسيمى		

(میعادنده حساب ویرمیان محاسب مسئولر حقنده اولنه جق معاملهیه دائر)
(نظامنامه)

[تقویم وقایعه نشری تاریخی : ۲۶ ذی الحجه ۱۳۳۴ و ۱۱ تشرین اول ۱۳۳۲]
[نومروسی: ۲۶۸۲]

ماده : ۱ مرکز و طشرده مستخدم و دیوان محاسبانه حساب اعطاسیله مکلف اولان محاسب مسئولر هر سنه عائد اداره حسابی مدت محسوبیه نك انقضاسندن اعتباراً نهایت ایکی ماه ظرفنده تنظیم ایده جکلردر . بو مدت مالیه نظارتی وزنه عمومیهی حسابی ایچون آلتی آیدر .

ماده : ۲ برنجی مادهده تعیین اولنان مدت ظرفنده مرکزده دیوان محاسبانه حساب ویرمیان و طشرده حسابی احضار ایلدیکنی تلغرافله کذلک دیوان محاسبانه اخبار ایتیمان محاسبلرک ختام میعادى تعقیب ایدن آیک ایلک کونی نصف و اون بشنجی کونه قدر حسابلرینی ویرمدکلری ویا احضار ایلدکلرینی اخبار ایتمدکلری تقدیرده اون آلتنجی کونی نام معاشری قطع اولنور . بو جزالر دیوان محاسبات مدعی عمومیسنک طلبی اوزرینه دیوان محاسبانه تدقیقات اجرا واسباب تأخر محاسبلردن سؤال اولندقدن صکره تحت قراره آلنور و دوائر عائدہ سنجه درحال انفاذ اولنور . تام معاشرینک قطعنه قرار ویریلن محاسبلر حقنده بشقهجه معامله قانونیه ایفا اولنمق اوزره دیوانجه درحال منسوب اولدقلری نظارتلره اشعار کیفیت ایدیلور .

حسابی حاضر لادیغنی اخبار ایلدیکنی حالده تدقیقه مباشرت اولندیغنی زمان حسابنک حاضر اولمادیغنی تبیین ایدن محاسبلر حقنده دخی معامله قانونیه ایفا اولنمق اوزره کذلک منسوب اولدقلری نظارتلره کیفیت اشعار اولنور .

ماده : ۳ بر دوره حسابیه ظرفنده وفات ویا انفکاک ایدن محاسب مسئولر معاملاتی او دوره حسابیهیه عائد حسابات میاننده رؤیت ایدیلور .

ماده : ۴ اداره حساباتنک تنظیمی مکلفیتی میعاد معیننده واوراق مثبتہ نك اراہہ سی وظیفه سی اداره حسابلرینک زمان تدقیقنده محاسب موقمنده بولنان ذاته عائددر .

ماده : ۵ ناقابل تدقیق حساب و یرن یاخود ویردیکی حسابک تدقیق و انتاجی امرنده ایقاع مشکلات ایدن محاسبلرک مدعی عمومیلکدن مطالعه آلدقدن صکره دیوان محاسبانه بالتدقیق اولان نصف معاشرنک وینه مشکلات ایقاعنده اصرار ایتدیکی تقدیرده

تام معاشك قطعيله برابر حقنده معامله قانونيه ايفا اولنق اوزره منسوب اولديغى نظارته اشعار كيفيت اولنور .

ماده موقته : اشبو نظامنامه احكامى سنين سابقه حساباتى حقنده دخی جاريدر . شو قدركه برنجى مادهده تعيين اولنان مدتلىر سنين سابقه حساباتى ايجون نظامنامه نك تاريخ مرعيتدن حساب اولنور .

ماده ۶ : اشبو نظامنامه تاريخ نشرندن معتبردر .

ماده ۷ : اشبو نظامنامه نك اجرا سنه هيئت وكلا مأموردر .

اشبو نظامنامه لايحه سنك موقع مرعيتيه وضعنى و نظامات دولته علاوه سنى اراده ايلدم .

۲۱ ذى الحجه ۱۳۳۴ ۶ تشرين اول ۱۳۳۲

محمد شاه

حربيه ناظرى و بحريه ناظرى و كيكلى	شيخ الاسلام	صدر اعظم و خارجيه ناظرى و كيكلى
انور	موسى كاظم	محمد سعيد
شوراي دولت رئيسى و اوقاف و مايون ناظر و كيكلى	داخليه ناظرى و ماليه ناظر و كيكلى	طلعت
ابراهيم	معارف ناظرى و پوسته و تلفراف و تلفون ناظر و كيكلى	نافعه ناظرى عباس
تجارت و زراعت ناظرى و عدليه ناظر و كيكلى	احمد شكري	احمد نسيمى

★ ★

(افراد احتياطيه و مستحفظه دن بدل نقدى و يرمش اولانلرك احتياج مبرم حالنده)
(تحت سلاحه آلمسى حقنده قانون موقت)

[تقويم وقايع ايله نشرى تاريخى: ۲۸ ذى الحجه ۱۳۳۴ و ۱۳ تشرين اول ۱۳۳۲ - نومروسى: ۲۶۸۴]

ماده ۱ : افراد احتياطيه و مستحفظه دن اولوب ۲۱ و ۲۴ و ۲۶ و ۳۱ تموز و ۸ اغستوس و ۲۵ ايلول و ۲۱ شباط ۳۳۰ و ۷ مارت ۳۳۲ تاريخلى قوانين موجبجه بدل نقدى و يرمش اولانلرى ، احتياج مبرم حالنده حربيه ناظرى لزومه كوره سلاح آلتنه آله بيلير .

ماده ۲ : بونلردن سلاح آلتنه آله جقلرك مأخوذ بدل آچهلرندن ، اشبو بدللرينك برنجى و يا ايكنجى بدللى اولديغنه كوره مذكور بدللك معين اولان مدت استثنائيه لرينه

تقسیمیه یوم اجتماعرینه قدر چن مدته اصابت ایدن مقداری آلیقونیلهرق بقیه سی کندیلرینه اعاده اولنور .

ماده : ۳ بدلات تقدیه اصحابندن منافع عمومیه یه عائد مؤسسات، فابریقه وسائر ده بولنانلردن حربیه نظارتجه وجودینه لزوم اولدینی تحقق ایدنلر تأجیل اولته بیایر و بو کیملرک بدللری اعاده اولنماز و فقط یکیدن بدللری ده آلمانز .

ماده : ۴ اشبو قانون تاریخ نشرندن اعتباراً مرعی الاجرادر .

ماده : ۵ اشبو قانونک اجرای احکامنه حربیه ناظری مأموردور .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتاً مرعیتنی وقوانین دولته علاوه سنی اراده ایلدم .

۲۱ ذی الحجه ۱۳۳۴ ۶ تشرین اول ۱۳۳۲

محمد رشاد

صدر اعظم
محمد سعید

حربیه ناظری
انور

تصحیح

[تقویم وقایع ایله نشری تاریخی: ۱۰ محرم ۱۳۳۵ و ۲۵ تشرین اول ۱۳۳۲ - نومروس: ۲۶۹۶]

افراد احتیاطیه ومستحفظه دن بدل نقدی ویرمش اولانلرک احتیاج مبرم حالنده تحت سلاحه آلمسی حقنده اولوب تقویم وقایعک ۱۳ تشرین اول ۱۳۳۲ تاریخ و ۲۶۸۴ نوصرولی نسخه سنک برنجی صحیفه -نده مندرج قانون مؤقتک برنجی ماده سنده بولنان [۲۱ و ۲۴ و ۲۶ و ۳۱ تموز و ۸ اغستوس و ۲۵ ایلول و ۲۱ شباط ۱۳۳۰ و ۷ مارت ۱۳۳۲ تاریخلری] [۲۱ شباط ۱۳۳۰ و ۲۵ کانون ثانی ۱۳۳۱ و ۷ مارت ۱۳۳۲] و ۵ نجی ماده سنده کی [حربیه ناظری مأموردور .] عباره سی [حربیه ، مالیه ، داخلیه وخارجیه ناظرلری مأموردور .] وقانون مذکورک زیرنده کی [صدر اعظم] ترکیبی یرینه [صدر اعظم وخارجیه ناظری وکیلی] و [حربیه ناظری]

انور

محمد سعید

امضاسنی متعاقب [داخلیه ناظری ومالیه ناظر وکیلی] عباره سنک علاوه سی صورتنده تصحیحی طلعت

لازمکه چکی مدونات قانونیه مدیریتندن بیایدیرلشدور .

(سن مقیدلرینه کوره واصل مکلفیت اولمدقلری حالده خدمت عسکریه یه الویریشلی)
(بولندقلری تین ایده جککرك جلب و سوقی حقنده قانون موقت)

[تقوم وقایع ایله نشری تاریخی : ۲۹ ذی الحجه ۱۳۳۲ و ۱۴ تشرین اول ۱۳۳۲ - نوسروسی : ۲۶۸۵]

ماده : ۱ سن مقیدلرینه کوره هنوز واصل مکلفیت اولمدقلری حالده شخصلری اعتباریله خدمت عسکریه یه الویریشلی بولندقلری اخذ عسکر رؤسای طرفدن تقدیر اولنوب قابلیتلری ده اطبا معاینه سیله علی الاصول تین ایده جککرك اشبو سفر برلکک ختامنده ترخیص اولنمق اوزره جلب و سوق اولنور .

ماده : ۲ اشبو قانون تاریخ نشرندن اعتباراً مرعی الاجرادر .

ماده : ۳ اشبو قانونک اجرای احکامنه هیئت وکلا مأموردر .

مجلس عمومینک اجتماعنده قانونیتی تکلیف اولنمق اوزره اشبو لایحه قانونیه نک موقتاً مرعیتنی و قوانین دولته علاوه سنی اراده ایلدم .

۲۶ ذی الحجه ۱۳۳۴ ۱۱ تشرین اول ۱۳۳۲

محمد رشید

حربییه ناظری و بحریه ناظری وکیل	شیخ الاسلام	صدراعظم و خارجیه ناظری وکیل
انور	موسی کاظم	محمد سعید
شورای دولت رئیس و اوقاف هایون ناظر وکیل	داخلیه ناظری و مالییه ناظر وکیل	طلعت
ابراهیم	نافعه ناظری	عباس
معارف ناظری و پوسته و تلغراف و تلفون ناظر وکیل	احمد شکری	تجارت و زراعت ناظری و عدلیه ناظر وکیل
	احمد نسیمی	

قواخانه عالی مقررات قضیه سی

موصل ولایتی محکمه شرعیه سندن معطی غره ربیع الاخر ۳۳۴ تاریخی اعلام بروجہ آتی نقض اولنمشدر .
مهری مطابق ایسه ده مدعی علیه وکیل مزبور احمد افدینک افاده اخیره سنه نظراً